

## Малин шимтә хот элвгәр белдхмн

Эн джилә тәрәнә элвг сән ургъцла зергджд, Сарпинск района „Сарпинский“ совхозин өргн ик теегт сәәхн, өмәрә үзгдәд уга өндрәр эрдни-шишә ургъв.

Энүг үрәлго, цагтнь хаддж хурадж, Хальмг АССР-н Дед Советин суньгъврин өдр уктдж. одна малдан хойр джилдән күрх хот белдхәр эн совхозин күч-көлсчнр зүткджд йовцхана.

Малин шимтә хот белдлгънд комбайнер үр П. Н. Гужвенко ик диилвртә көдлджәнә. Эн шунмгъа механизатор, үнн седклән тәвджд көдлджд, өдр

болгън 10 гектар газрин эрдни-шишә хаддж хурана, кемджәнь—6 гектар бәәсмн. Энүнә хааджд белдсн эрдни-шишәгъәр 300 тонн силос даргдв.

Эрдни-шишән элвг ик ургъциг бүклднь, түргәр хурадж авхин төлә, совхозин дирекци болн эклц парторганизац, энүнд оньган өгч, цуг техникән болн көдлмшч әмт олар гаргъджд, эн сәәхн хур-чиг уга өдрмүдиг олзлдж, силос дарлгъна көдлмшиг түргдүлх зөвтә.

Н. АЛТАЕВ.